

詩經四家異文考

詩經四家異文攷卷之四

侯官陳喬樞學

大雅文王之什

大正○說文繫傳正古文以爲詩大正字徐鍇曰詩大正

卽音雅

其命惟新○孟子滕文公上詩曰周雖舊邦其命惟新  
媿媿文王○崔靈恩集注媿媿文王

案媿媿毛詩作鹽鹽崔集注所據乃三家今文也

穆穆文王令問不已○墨子明鬼篇穆穆文王令問不已

案鹽鹽傳云勉也勉穆一聲之轉易繫辭鄭注云鹽

疊沒沒也亦以聲近相轉問毛詩作聞釋文聞音問

陳錫載周○左氏宣十五年傳詩曰陳錫載周

案昭十五年傳引詩文同國語周語引亦同毛詩釋

文云哉本又作載

文王子孫本枝百世○文選張衡南都賦本枝百世李善  
注詩曰文王子孫本枝百世

左氏莊六年傳詩云本枝百世

案文選五十九沈休文齊故安陸昭王碑文注引詩  
文王子孫二句文同今毛詩作孫子又北堂書鈔一  
眾經音義二十三白帖十九二十引詩本支並作本

枝

惟周之士不顯奕世○後魏書禮志四劉芳議詩云惟周之士不顯奕世

案盧文昭云後漢書袁術傳注引詩亦作奕與此同其斂不意○說文繫傳錯按詩曰商之孫子其斂不億今詩借麗字

常服黼紵○毛詩釋文呼字林作紵

毋念爾祖○左氏文二年傳詩曰毋念爾祖聿脩厥德

案左傳昭二十二年引詩仍作無念爾祖與毛詩同又孝經引大雅云毋念爾祖釋文毋音無本亦作無

述脩厥德○後漢書東平思王傳詩不云乎毋念爾祖述脩厥德

案後漢書宦者呂強傳引詩亦作述脩

儀監于殷峻命不易○禮記大學詩云儀監于殷峻命不易

案毛詩儀監作宜監峻命作峻命與禮記所引文異釋文云不易毛以豉反言甚難也鄭音亦言不可改易也下文及後不易維王同

無謁爾躬○毛詩釋文過於葛反或作謁音同止也韓詩過病也

案廣雅瘍病也韓蓋以遇爲瘍之段借字

宣昭義問○毛詩釋文義毛音儀善也鄭如字

上天之載○禮記中庸上天之載注載讀曰裁謂生物也  
上天之絳○漢書楊雄傳上天之絳

案顏師古集注絳讀與載同文選七甘泉賦注云絳  
事也李善之訓本於張揖廣雅

儀彤文王○潛夫論德化篇儀彤文王萬邦作孚

案儀彤毛詩作儀刑

萬國作孚○禮記緇衣大雅曰儀刑文王萬國作孚

風俗通義二詩說儀刑文王萬國作孚

大明

天難諶斯不易惟王○春秋繁露天地陰陽篇詩云天難諶斯不易惟王

漢書貢禹奏言曰詩曰天難諶斯不易惟王

後漢書胡廣上書曰詩云天難諶斯不易惟王

潛夫論卜列篇天難諶斯

案相列篇仍作天難忱斯與毛詩同疑轉寫者改之

說文言部諶誠諦也从言甚聲詩曰天難諶斯

天難說斯不易惟王○韓詩外傳十傳曰言爲王之不易也詩曰天難說斯不易惟王

案王氏詩攷引外傳作孰今本外傳改忱非又毛詩  
易如字此引傳曰言爲王之不易也是讀易爲難易  
之易與毛詩義異

天謂殷適使不俠四方○韓詩外傳五詩曰天謂殷適使  
不俠四方

案王氏詩攷引外傳如此今本外傳仍作天位殷適  
與毛詩文同俠毛詩作挾傳云達也說詳韓詩攷

聿嬪于京○爾雅釋親注詩曰聿嬪于京

案聿毛詩作曰

惟德之行○列女傳二太任之性端壹誠莊惟德之行

案太平御覽一百三十五引毛詩維亦作惟

太任有娠○衆經音義一漢書孟康曰娠音身今多以娠  
作身兩通也詩云太任有娠是也

唯此文王○春秋繁露郊祭篇詩云唯此文王小心翼翼  
惟此文王○新序雜事四詩曰惟此文王小心翼翼

案漢書董仲舒對策引詩亦作惟字又論衡變虛篇  
蔡邕答齊議高誘淮南王術訓注後漢書安帝紀注  
引詩竝作惟

允懷多福○春秋繁露郊祭篇詩云昭事上帝允懷多福

班固明堂詩允懷多福

案允懷毛詩作聿懷傳云聿述也聿允一聲之轉

在郃之陽○說文邑部郃左馮翊郃陽縣从邑合聲詩曰  
在郃之陽

〔水經注〕四河水又逕郃陽城故有莘邑爲太姒之園詩  
云在郃之陽又曰纘汝維莘謂此也水南猶有文母廟  
前有碑水卽郃水也縣取名焉故應劭曰在郃水之陽  
案郃毛詩作洽釋文亦引漢志郃陽縣爲證

於澗之浹○初學記六詩曰於澗之浹

案毛詩作在澗之浹

磬天之妹○毛詩釋文倪韓詩作磬磬也

案毛傳倪磬也倪磬古今文之異說詳韓詩攷

大定厥祥○百帖七詩曰大定厥祥親迎于澗言迎太姒也

案臧庸以白帖所引爲三家異文喬樅謂大字蓋卽

文之譌耳

船舟爲梁○毛詩釋文造廣雅作船說文船古造字

案方言云船舟謂之浮梁郭璞注卽今浮橋

續汝維莘○水經注四詩云續汝維莘

案太平御覽一百三十五引詩續女亦作續汝

保佑命爾○毛詩釋文右音祐字亦作佑

保佑命爾○太平御覽三百三詩曰篤生武王保佑命爾

其檐如林○說文㡗部檐建大木置石其上發以機以退敵也从㡗會聲詩曰其檐如林

案許氏所引詩三家今文也馬融廣成頌云旃旃摻其如林正用此詩語毛詩作會古文消借字

維予侯興○毛詩釋文予毛羊蔗反鄭羊呂反

案予毛讀爲予我之予鄭讀爲賜予之予音義各異上帝臨爾无貳爾心○李氏易傳十一干寶注詩曰上帝臨爾无貳爾心

毋貳爾心○漢書貢禹奏言曰上帝臨女毋貳爾心

上帝臨汝無二爾心○春秋繁露天道無二篇詩云上帝

臨汝無二爾心

案盧文弨云一本作無二汝心毛詩汝作女二作貳  
坳野洋洋○水經注九詩所謂坳野洋洋檀車煌煌者也  
案臧庸云書牧誓注正義云禮記及詩作坳野

檀車皇皇○韓詩外傳三詩曰牧野洋洋檀車皇皇

四驥彭彭○公羊隱元年疏案翼義古毛詩說天子至大  
夫同駕四皆有四方之事士駕二也詩云四驥彭彭武

王所乘

案盧文弨云淮南王術訓許慎注引詩亦同臧庸云  
周禮疏三十二引詩駟亦作四

惟師尙父時惟鷹揚○楚詞天問注詩曰惟師尙父時惟鷹揚

○周禮環人注詩曰惟師尙父時惟鷹揚

案初學記十一後漢書注十八引詩文同文選注二十八漢書王莽傳注引詩惟師尙父藝文類聚九十一太平御覽九百廿六引詩時惟鷹揚維皆作惟

時惟鷹揚諒彼武王○太平御覽二百六詩曰維師尙父時惟鷹揚諒彼武王肆伐大商

案爾雅釋鳥鷩白鷩揚字卽鷩之消借班固封燕然山銘以鷹揚之校與螭虎之士對舉是亦以揚爲鷩

之假借字。鷹鷂之作鷹揚，猶典引虎鷁其師之作虎離也。又文選注五十三太平御覽三百三竝引詩諒彼武王，攷毛詩釋文云涼本亦作諒，詩經考文云古本作諒。

亮彼武王。○毛詩釋文涼韓詩作亮亮相也。

案漢書王莽傳引詩亦作亮彼武王，說文繫傳引亦作亮彼武王，據韓詩也。

襲伐大商。○風俗通義二詩云亮彼武王襲伐大商。

案襲伐毛詩作肆伐，說詳魯詩攷。

會鼂爭盟。○會鼂請盟。○楚詞天固會鼂爭盟，何踐吾則。

一本作會晁請盟

案此卽會朝清明之異文

絲

人之初生自杜漆沮○漢書地理志石扶風杜陽杜水南  
入渭詩曰自杜師古集注曰大雅絲之篇曰人之初生  
自杜漆沮齊詩作自杜言公劉避狄而來居杜與沮漆  
之地

自土漆沮○水經注漆水篇周太王去邠踰漆度梁山至  
岐下故詩曰自土漆沮又曰率西水滸至于岐下

藝文類聚八十二詩曰自土漆沮

案段玉裁六書音均表調毛詩自土汨溱當從水經  
注及漢書地理志注作溱沮以沮與父爲韻也

古公直甫。毛詩釋文父本亦作甫

孟子梁惠王下詩云古公直甫注云直甫大王名也號  
稱古公

案唐石經及宋本岳本竝作甫閩監毛三本作父攷  
隸釋載巴郡太守樊敏碑作直甫又太平御覽八百  
三十三引詩文同

陶窰陶穴。說文穴部窰地室也从穴復聲詩曰陶窰陶  
穴

案臧庸云玉篇穴部窶下引詩同又云窶或作塿亦作復毛詩復字卽窶之省借

來朝趣馬○玉篇走部趣遠也詩曰來朝趣馬言早且疾也

案毛詩作走馬走者趣之古文省借也

帥西水滸○文選干寶晉紀總論詩曰帥西水滸

案毛詩帥作率古字通用

至於岐下○聿來相宇○新序雜事三詩曰率西水滸至於岐下爰及姜女聿來相宇

案毛詩於作于相作胥傳云胥相也釋文相息亮反

周原腠腠○文選魏都賦張載注腠腠美也詩云周原腠  
腠莖茶如飴

案李善注引韓詩曰周原腠腠則舊注引詩云云爲  
韓詩無疑矣說詳韓詩攷

爰擊我龜○毛詩釋文契本又作擊

班固幽通賦且算祀於擊龜師古曰擊刻也詩曰爰擊  
我龜

迺塢迺理○毛詩釋文塢本亦作塢

迺召司空迺召司徒○唐石經乃作迺

案唐石經作迺是也小字本相臺本同詩經考文云

古本作迺

仰立室家○毛詩釋文卑本亦作俾注同後放此

其乘則直○毛詩釋文繩如字本或作乘案經作繩傳作乘箋云破傳爲乘字後人遂誤改經文

案毛傳云言不失繩直也此解經其繩則直句云乘謂之縮此解經縮版以載句箋云繩者營其廣輪方制之正也此申傳不失繩直之義云既正則以索縮其築版上下相承而起此申傳繩謂之縮之義傳誤繩爲乘故云乘聲之誤當爲繩也後人誤會箋語遂改經文繩字作乘失之矣又案釋文本破傳二字誤

倒爲傳破今從阮氏校勘記訂正

縮板以載○禮記檀弓注板蓋廣二尺長六尺詩云縮板以載

案詩經考文云古本版作板

掬之仍仍○說文手部掬盛土於裡中也詩曰掬之仍仍从手求聲

掬之𪔐𪔐○玉篇手部詩曰掬之𪔐𪔐掬藥也

案毛詩作𪔐𪔐字卽𪔐之消文

百堵偕興○詩經考文古本皆作偕

鼙鼓不勝○說文繫傳鼙大鼓也从鼓得聲詩曰鼙鼓不

勝

案大徐說文本引作弗勝與毛詩文同

乃立臯門○百帖三十八乃立臯門臯門有仇

案毛詩乃作邇下同

臯門有亢○毛詩釋文仇本又作亢

周禮闢人疏詩曰臯門有亢

臯門有閼○毛詩釋文仇韓詩作閼云盛貌也

藝文類聚六十三詩曰臯門有閼

高門有閼○玉篇門部詩曰高門有閼

文選左思魏都賦古公草創而高門有閼

案文選李善注云毛詩美古公亶父曰高門有闕攷  
毛詩作皐門有攸左太冲賦是用韓詩語毛字當爲  
韓之誤

乃立應門○百帖三十八乃立應門應門將將

應門將將○文選西都賦注毛詩曰應門將將

案班固賦云激神嶽之將將班用齊詩李善注引應  
門將將疑本舊注引詩語當爲齊詩之異文而李誤  
以爲毛詩也

應門鏘鏘○張平子七辯云應門鏘鏘

藝文類聚六十三毛詩曰乃立應門應門鏘鏘

案大平御覽百八十二引詩亦作鏘鏘攷毛傳云將將嚴正也則字當作將將將乃古文沿借耳又崔季珪述初賦云觀秦門之將將季珪治韓詩者是齊韓二詩並作將字疑鏘鏘爲魯詩之異文又將之同音段借也藝文類聚引作毛詩誤矣

乃立冢土○風俗通義入詩云乃立冢土

晉書禮志詩稱乃立冢土

案白帖六十七引詩文同

亦不殞厥問○毛詩釋文隕作殞

孟子盡心篇詩曰肆不殄厥愠亦不殞厥問注云亦不

殞厥問殞夫也

行道脫矣○毛詩箋其行道士衆脫然不有征伐之心意  
案毛傳云兌成蹊也釋文兌吐外反又徒外反脫通  
外反本亦作兌是毛傳本作兌鄭箋本或作脫也

昆夷兌矣唯其喙矣○孟子梁惠王篇注詩云昆夷兌矣  
唯其喙矣

昆夷駮矣○說文馬部駮馬行疾來貌从馬兌聲詩曰昆  
夷駮矣

案昆夷毛詩作混夷駮毛傳云突也突亦疾來之貌  
天夷咽矣○說文口部東夷謂息爲咽从口四聲詩曰犬

夷咽矣

案此亦許氏兼采古今文異字也犬卽吠之省文

昆夷突矣○文選魯靈光殿賦張載注突唐突也詩曰昆夷突矣

昆夷瘵矣○廣韻二十廢瘵困極也詩曰昆夷瘵矣本亦作喙

案盧文弨云此所引詩脫去中四字盧說是也廣韻十四泰引詩作昆夷駮矣此云昆夷瘵矣者蓋合下維其瘵矣句而約舉之耳

予曰有晉附 予曰有奔走○後漢書何禹傳注詩云予

曰有胥附○又云予曰有奔走

予曰有奔輳○尙書大傳周文王胥附奔輳先後禦侮謂之四鄰

予曰有本奏 予曰有御侮○毛詩釋文本音奔本亦作奔奏本又作走御本又作禦

予肆有奔走予肆有先後○楚詞注一奔走先後四輔之職也詩曰予肆有奔走予肆有先後

棧樸

薪之柶之○毛詩釋文柶字亦作樵積木燒也

案樵說文云或从示作柶

左右趨之○新書述語篇詩云濟濟辟王左右趨之此言  
左右日以善趨也

案新書容經引詩文同

春秋繁露郊祭篇詩曰濟濟辟王左右趨之

案趨毛詩作趣趙坦云晏子春秋內篇問下引詩左  
右趨之與賈子董子文同

奉璋俄俄○毛詩釋文峨峨本又作俄

奉璋娥娥○公羊定八年傳解詁詩云奉璋峨峨髦士攸  
宜釋文云峨峨本又作娥

烝徒穢之○春秋繁露郊祀篇詩曰溲彼涇舟烝徒穢之

案檝毛詩作楫釋文引方言云楫謂之橈或謂之櫂  
雕琢其章 璽璽我王○荀子富國篇詩曰雕琢其章金  
玉其相璽璽我王綱紀四方

說苑脩文篇詩曰雕琢其章金玉其相璽璽我王綱紀  
四方言文質美也

雕琢其章○孟子注二雕琢治飾玉也詩曰雕琢其章  
追琢其璋○周禮追師注追猶治也詩云追琢其璋

玉篇元部追治玉名也詩曰追琢其璋

案毛詩作追琢其章傳云追彫也是追卽彫之假借  
璽璽文王○韓詩外傳五詩曰璽璽文王綱紀四方

百虎通三綱六紀篇詩云齊魯文王綱紀四方

案毛詩作勉勉我王三家今文皆與毛氏異

旱鹿○毛詩釋文麓本亦作鹿

案臧庸云漢書揚雄傳注師古曰大雅旱麓之詩宋祁曰麓舊作鹿刊誤改作麓

瞻彼旱鹿○國語周語詩云瞻彼旱鹿榛楛濟濟韋昭注山足曰鹿

案盧文弨云据宋庠本國語引詩如此其舊本仍作麓鹿字乃古文消借也

楛楛濟濟○說文繫傳楛木也从木晉聲詩曰榛此榛字當作楛

楷濟濟鉛按說文無榛字此卽榛字也

案說文解字云楷木也从木音聲書曰竹箭如楷段  
玉裁注曰六字未詳疑當作周禮曰竹楷讀如音八  
字職方氏其利金錫竹箭注云故書箭爲音蓋許所  
見故書作楷楷本木名故書借爲竹名也大射儀帳  
用錫若絺綴諸箭注云古文箭作箭吳越春秋音竹  
十度音竹卽箭竹皆與周禮故書同讀如音者許謂  
楷之音同音也段說是也據大徐本說文與小徐本  
文異小徐本引詩榛楷濟濟當作楷楷濟濟陸璣毛  
詩草木疏云楷似荆而赤攷說文繫傳云按周禮楷

可爲矢周武王克商蒲慎氏來獻楛矢石弩據小徐  
說是楛楛一類皆中箭材者又禹貢惟箇路楛楛與  
箇籀爲伍明亦竹類也惟謂說文無榛字則實不然  
說文榛云榛木也从木秦聲一曰叢也衆經音義引  
作叢木也  
又楛云楛木也从木苦聲詩曰榛楛濟濟小徐意以  
楛卽詩榛楛之榛當云詩文無楛字楛卽榛字也或  
傳寫者譌舛耳

凱悌君子于祿凱悌○毛詩釋文豈本亦作愷又作凱弟  
亦作悌後豈弟皆同

愷悌君子于祿愷悌○國語周語詩曰愷悌君子于祿愷

悌

案左傳僖十二年引詩愷悌君子神所勞矣成八年引詩愷悌君子遐不作人又國語周語中引詩愷悌君子求福不問及晏子內篇雜上引詩並作愷悌

璫彼玉瓚○毛詩釋文瑟彼字又作璫

說文玉部璫玉英華相帶如瑟弦从玉瑟聲詩曰璫彼玉瓚

邠彼玉瓚○周禮典瑞注鄭司農云詩曰邠彼玉瓚黃流在中

邠彼玉瓚○周禮釋文邠彼音瑟又作邠

案阮氏按勘記云按說文有邲字在丌部从丌又邲字在血部亦从丌然則邲邲皆璠之音近假借字也又白帖七引詩作瑟彼珪璋珪璋二字乃玉璠之誤愷悌君子胡不作人○潛天論德化篇詩云愷悌君子胡不作人

民所祭矣○毛詩釋文燎說文作祭一云柴祭天也又云燎放火也字林同祭音力召反燎音力小反

愷悌君子神所勞矣○漢書揚雄傳注師古曰詩大雅旱鹿之篇曰愷悌君子神所勞矣

文選注九引張揖曰詩云愷悌君子神所勞矣

莫莫葛藟○毛詩釋文藟本亦作藥

莫莫葛藟○列女傳四詩云莫莫葛藟施于條枚

延于條枚愷悌君子○韓詩外傳三詩曰莫莫葛藟延于條枚愷悌君子求福不回

漢書黃琬傳注詩云莫莫葛藟延于條枚

案後漢書蘇竟傳注引詩藟作藥又引豈弟作愷悌  
凱弟君子○禮記表記詩曰凱弟君子求福不回

呂覽知本篇詩曰莫莫葛藟延于條枚凱弟君子求福  
不回

思齋○毛詩釋文齊本亦作齋齊莊也

案詩經考文云古本作思齋

神罔時侗○說文人部侗大貌从人同聲詩曰神罔時侗  
案侗毛詩作恫傳云恫痛也許所據詩文義與毛異  
以御于家邦○毛詩箋御治也

案正義云御毛讀爲迓訓迎王肅云以迎治天下之  
家國鄭讀御爲馭以御者制治之名故爲治也釋文  
云御毛牙嫁反鄭魚據反是毛鄭音義各殊

靡靡在宮○爾雅釋訓靡靡和也

案王氏詩攷以此靡靡爲思齋靡靡之異文

雍雍在宮○漢書八十七下注詩曰雍雍在宮

案文選長楊賦注引詩亦作雍雍唐石經文同

邕邕在宮○魏書賈思伯傳詩大雅云邕邕在宮

厲假不瑕○毛詩箋厲假皆病也

案釋文云烈假毛如字鄭作厲正義云鄭讀烈假為

癯集韻十四太云厲病也詩厲假不瑕鄭康成說

癯盡不遐○隸釋漢唐公房碑癯盡不遐

案此與鄭讀合足見鄭箋中改字多據三家今文也

古之人無擇○毛詩箋古之人口無擇言身無擇行以身

化其臣下

案釋文云敦音亦厭也鄭作擇

皇矣

臨下以赫○潛夫論班祿篇詩云皇矣上帝臨下以赫

案毛詩作臨下有赫

鑒觀四方求民之瘼○漢書敘傳詩云鑒觀四方求民之瘼

案鑒毛詩作監瘼毛詩作莫文選齊安陸昭王碑盧  
深求瘼李善注云班固漢書引詩而爲此瘼今漢書  
本同毛詩作莫蓋後人轉寫改之耳

潛夫論班祿篇詩云鑒觀四方求民之瘼

案今本潛夫論瘼字作莫非是據下文更求民之瘼

足證上文引詩是作瘼字也

蔡邕和嘉邈后論議求人之瘼

說文繫傳按詩曰求民之瘼郭璞曰病東齊曰瘼

惟彼二國 惟此四國○左氏文四年傳詩云惟彼二國  
其政不獲惟此四國爰究爰度

案毛詩作惟此二國惟彼四國與左傳所引詩文互  
易又潛夫論引詩上下皆作惟此疑原本上句作惟  
彼與左傳引詩文同後人轉寫依毛改彼字作此耳  
其正不獲○毛詩箋正長獲得也

案釋文云政如字政教也鄭作正正長也

上帝者之○毛詩箋者老也

案毛傳訓者爲惡王肅云惡桀紂之不德也鄭義與  
毛異

憎其式郭乃券西顧○毛詩釋文郭如字本又作廓眷本  
又作睭又作券並音眷同

案趙坦云羣經音義三作憎其式郭

上帝指之憎其式廓乃睭西顧此惟與度○潛夫論班祿  
篇詩云上帝指之憎其式惡乃睭西顧此惟與度

案毛詩指作者睭作眷度作宅王符所引據詩今文  
與毛氏異又惡字乃廓之誤下文云乃用眷夸廓入

上帝憎之是潛夫論引詩文本作式廓也與度今本仍作與宅惟宋本作度字今從之

乃瞻西顧○初學記一詩曰乃瞻西顧

迺眷西顧此惟予宅○漢書郊祀志下詩曰迺眷西顧此

惟予宅

漢書谷永傳詩云迺眷西顧此惟予宅

此惟予度○論衡初稟篇詩曰乃眷西顧此惟予度

案予與古書多相假借宅與度通漢書韋賢傳先后

茲度臣瓚注云古文宅度同

其留其翳○毛詩釋文爾本又作留韓詩云反草也

其菑其瘞。○毛詩釋文：瘞，韓詩作瘞，瘞因也。因，高填下也。其柎其翳。○爾雅釋木注：詩曰其柎其翳。

案毛傳云木立死曰菑，自斃爲瘞。與韓詩瘞字文異。訓同填，猶顛也。說詳韓詩攷。

攘之鬻之，攘之擗之。○毛詩釋文：剔木或作鬻，又作擗，同。患夷載路。○毛詩釋文：串一本作患，或云鄭音患。

案正義云毛讀患爲串，串習釋詁文鄭以詩本爲患，故不從毛。是孔本詩作患字，詳見鄭箋改字說。

天立厥妃。○毛詩釋文：配本亦作妃，音同。

爾雅某氏注：詩曰天立厥妃。

唯此文王 莫其德音○左氏昭二十八年傳詩曰唯此文王帝度其心莫其德音

案毛詩正義云此云維此王季左傳言維此文王者經涉亂離師有異讀後人因卽存之不敢追改今王肅注及韓詩亦作文王是異讀之驗左傳樂記韓詩貊皆作莫釋詁云貊莫定也義俱爲定聲又相近讀非一師故字異也

中論務本篇詩陳文王之德曰惟此文王帝度其心

禮記樂記詩云莫其德音其德克明

史記樂書詩云莫其德音

貉其德音○毛詩釋文貉本作貉韓詩作莫云莫定也  
剋長剋君○隸釋衛尉衡方碑剋長剋君

案克剋音義竝同集韻云克通作剋

王此大國○左氏昭二十八年傳詩曰王此大國

克順克俾俾于文王○禮記樂記詩云王此大邦克順克  
俾俾于文王鄭注俾當爲比聲之誤也

史記樂書詩云克順克俾俾于文王

馳于孫子○漢書敘傳奕世載德馳于孫子

案毛詩作施于孫子施馳古今文之異

無然畔換○漢書敘傳注師古曰詩皇矣篇曰無然畔換

無然伴換○玉篇人部伴詩云無然伴換伴換猶跋扈也  
案毛詩作畔援釋文引韓詩云畔援武強也

敢拒大邦○太平御覽一百六十四詩曰敢拒大邦

案毛詩拒作距

侵邠徂共○詩經考文古本阮作邠

案毛傳訓徂爲往邠箋云阮也徂也共也三國犯周  
而文王伐之正義引張融云魯詩之義以阮徂共皆  
爲國名是則出於舊說非鄭之創造鄭之所言非無  
深趣皇甫謐勤於考按亦據而用之

王赫斯怒○集韻五寘錫盡也詩云王赫斯怒鄭康成說

或作餽

案毛詩釋文斯毛如字此也鄭音賜盡也賜字疑亦  
當作餽

以遐徂莒以篤周祜○孟子梁惠王下篇詩云以遐徂莒  
以篤周祜以對于天下

案毛詩釋文按本亦作遐莒字毛詩作旅周祜上毛  
詩有于字盧文弼云宋本毛詩以篤周祜無于字詩  
經考文云古本有之

〔新序雜事三〕詩曰以篤周祜以對于天下

予懷而明德毋大聲以色毋長夏以革○墨子天志下詩

云帝謂文王予懷而明德毋大聲以色毋長夏以革

案毛詩明德上無而字母皆作不下不識不知同

弗識弗知○新書君道篇詩曰弗識弗知順帝之則

淮南詮言訓詩曰弗識弗知順帝之則

同爾弟兄○後漢書伏湛傳詩曰同爾弟兄

案毛詩作兄弟伏湛所據齊詩之文也

與爾隆衝○毛詩釋文臨如字韓詩作隆

臨輜閑閑○說文繫傳輜陷陣車也从車童聲錯曰詩臨

衛閑閑衛假借

攸域安安○毛詩釋文馘又作職殺而獻其耳也字林云

截耳則作耳旁獻首則作首旁

是禩是禩○毛詩釋文類如字本或依說文作禩

爾雅釋天是禩是禩師祭也

崇墉屹屹○說文土部屹牆高貌詩曰崇墉屹屹从土乞

聲

崇墉屹屹○文選十一魯靈光殿賦注張載曰屹猶孽也

高大貌詩云崇墉屹屹

案毛詩作屹屹傳云屹屹猶言言也是亦訓爲高大

之貌文異而義並同

靈臺

白鳥鶴鶴○孟子梁惠王上篇詩云白鳥鶴鶴趙岐注云  
鳥肥飽則鶴鶴而澤好

白鳥皤皤○新書禮篇詩曰白鳥皤皤

案君道篇引詩文同

白鳥雝雝○說文繫傳詩曰白鳥雝雝

案文選何晏景福殿賦雝雝白鳥李善注云雝與雝  
音義同毛詩釋文引字林云鳥白肥澤曰雝鶴古字  
作鵠見史記索隱

於似魚躍○新書禮篇詩曰於似魚躍

案君道篇引詩文同又孟子梁惠王篇引詩於似魚

躍音義云丁本物作例

巨業維樅○說文辛部業大版也所以飾縣鐘鼓提業如鋸齒以白畫之象其鉏鋸相承也从辛从巾巾象版詩曰巨業維樅

案王氏詩攷引樂苑云文王樂名巨業字亦不作廣皆與毛詩文異

鼓鼓維鏞○毛詩釋文賁字亦作鼓

於論鼓鐘○毛詩釋文於音烏鄭如字論盧門反一云鄭

音倫

於樂辟雍○說文繫傳通論於樂辟雍

案毛詩雅作靡

鼙鼓辭鋒○呂覽季夏紀注鼙皮可作鼓詩曰鼙鼓辭鋒  
案毛詩釋文逢埤蒼云鼓聲也字作謹徐音豐謹字  
乃鋒之譌耳

鼙鼓洋洋○淮南時則訓注詩云鼙鼓洋洋  
案洋洋字當亦鋒之譌說詳魯詩攷

鼙鼓蓬蓬○太平御覽五百八十二詩曰鼙鼓蓬蓬  
矇矇奏工○楚詞注四詩曰矇矇奏工

矇矇奏功○呂覽蓬蓬篇注詩曰矇矇奏功  
案毛詩釋文云矇依字作叟字亦作睽

蒙叟奏公○白帖六十一詩曰蒙叟奏公

下武

世有哲王 世有喆王○毛詩釋文哲本又作哲又作喆  
皆同

應侯慎德○荀子仲尼篇詩曰媚茲一人應侯慎德

淮南繆稱訓詩云媚茲一人應侯慎德

家語弟子篇詩曰媚茲一人應侯慎德

案漢書敘傳注引詩文同毛詩正義云順德定本作  
慎德又集注亦作順疑定本誤然作慎德者自是三  
家異文不得以爲誤也

昭哉來許○王氏詩攷漢碑昭哉來許

昭茲來御慎其祖武○續漢書祭祀志劉昭注詩曰昭茲  
來御慎其祖父

案詩攷載續漢書注引詩如此盧文弨曰案續漢志  
注載東觀漢紀引詩昭哉來御繩其祖武與此不同  
喬樅謂盧說亦未審攷續漢志注載東觀紀並無引  
詩語惟引謝沈書有大雅曰昭哉來御慎其祖武云  
云與詩攷所引文異疑詩攷茲字父字爲哉與武之  
聲誤也

文王有聲

吹求厥甯○說文欠部吹詮詞也从欠从日亦聲詩曰  
吹求厥甯

案吹毛詩作適說詳齊詩攷

既伐于密○王氏詩攷書大傳既伐于密

案盧文弨云今所傳大傳無此語殷傳西伯伐耆云  
紂曰非予舉也崇侯也遂遣西伯伐崇亦不作密字

作邑於鄆○文選注上毛詩曰作邑於鄆

潘安仁  
西征賦

案北史李業興傳云文王行周南之教以受命作邑  
于鄆亦作鄆字

築城伊洳○毛詩釋文洳字又作洳韓詩云洳深池

案張參五經文字云湫字又作減見詩大雅減湫古  
通用字說詳韓詩攷

築城伊匹○周禮大宗伯疏詩曰築城伊匹

案盧文弨以此爲詩異文今案此句乃賈公彥合詩  
築城伊減作豐伊匹二句約舉之非異文也

匪亟其慾○毛詩釋文亟或作棘慾音欲本亦作欲  
案孔氏正義本作匪棘其欲

匪革其猶肆追來孝○禮記禮器詩曰匪革其猶肆追來  
孝鄭注革急也猶道也肆逃也

案盧文弨云猶古通欲周禮小行人猶犯令者爲一

書大戴禮作欲聿毛詩作適後漢書李固傳亦作聿  
追來孝與禮記同

鎬京辟雍○鹽鐵論繇役篇詩曰鎬京辟雍

說苑修文篇詩云鎬京辟雍

案毛詩作辟雍

自東自西○韓詩外傳四詩曰自東自西自南自北

案外傳五兩引詩亦然文與毛氏異

亡思不服○漢書孝平紀贊亡思不服

案毛詩作無思亡無古通

考卜惟王度是鎬京惟龜正之○禮記坊記詩曰考卜惟

王度是鎬京惟龜正之武王成之鄭注度謀也

案毛詩惟皆作維度作宅箋云宅居也與此義異

宅是邠京○水經注十九詩曰宅是邠京

武王豈不事貽厥孫謀以宴翼子○晏子春秋諫下詩曰

武王豈不事貽厥孫謀以宴翼子

列女傳八詩曰貽厥孫謀以燕翼子

後漢書班彪傳詩云貽厥孫謀以宴翼子

案文選注四十八又五十八又六十引詩詒並作貽

又大平御覽六十二五百十八五百十九引詩文同

事毛詩作仕傳云仕事也是仕即事之假借燕宴古

通用釋文云孫謀王申毛如字鄭音遜

大雅生民之什

厥初生人○文選注士毛詩曰厥初生人

潘安仁西征賦

案此唐人避太宗諱改民字爲人也

時惟姜原○史記周本紀集解韓詩章句曰姜姓原字或曰姜原謚號也

以袂無子○太平御覽五百二十九鄭記王權曰生民詩曰克禋克祀以袂無子

案毛詩袂作弗傳云弗去也箋云弗之言袂也是弗袂古今字之異又御覽五百廿四引作以拂無子

履帝武畝○爾雅釋訓履帝武敏釋文敏如字舍人本作

賦釋云古者姜嫄履天帝之迹於畎畝之中而生后稷  
先生如牽○毛詩箋達羊子也

案釋文如達毛云生也鄭云羊子也說文云小羊也  
又引沈云毛如字然則鄭君蓋讀達爲牽故以羊子  
言之正義引說文云牽小羊也从羊大聲薛綜答韋  
昭曰羊子初生達小名羔未成羊犛大曰羊長幼之  
異名以羊子初生之易比后稷生之易也今攷說文  
云牽讀若達同是牽達古音相似故鄭以達爲卽牽  
字

說文繫傳羊部錯按詩曰誕彌厥月先生如牽牽羊小

恙也

不圻不副○毛詩釋文不圻不副

案正義圻字作拆副字作塉

不圻不副○說文土部塉裂也詩曰不圻不副从土所聲  
不圻不副無災無害○史記楚世家集解詩云不圻不副  
無災無害

案災毛詩作蓄白帖十八引毛詩亦作無災無害北  
堂書鈔一引詩作無災無害

誕寘之隘巷○說文繫傳錯按詩曰誕寘之隘巷

案說文解字云齟陋也从囧苒聲籀文隘字隘篆

文韻从鳥益

羊牛腓字之○太平御覽五十七詩曰羊牛腓字之

案詩經考文云牛羊古本作羊牛

鳥翼覆之○初學記七詩曰誕寘之寒水鳥翼覆之

案毛詩作鳥覆翼之

實譚實訃○毛詩釋文譚本或作譚

實單實吁○說文單部單長味也从單臽省聲詩曰實單

實吁

案說文重文單云古文單單云篆文單省

誕實扶服○毛詩釋文匍音蒲又音符本亦作扶匍蒲北

反又音服本亦作服

克岐克嶷○說文口部嶷小兒有知也从口疑聲詩曰克岐克嶷

案嶷毛作疑傳云疑識也

莠之荏叔○毛詩釋文菽或作叔

莠之戎菽○周禮大宰疏生民詩曰莠之戎菽戎菽大豆后稷之所殖

禾穎稊穉○說文禾部穎禾末也从禾頃聲詩曰禾穎穉穉

案毛詩穎作役傳云役列也許所據詩蓋三家今文

𪗇𪗇𪗇𪗇○說文口部𪗇大笑也从口奉聲讀若詩曰𪗇  
𪗇𪗇𪗇

案據說文則毛詩作𪗇𪗇乃古文之假借

𪗇𪗇𪗇𪗇○集韻一𪗇𪗇𪗇𪗇多寶貌詩𪗇𪗇𪗇𪗇通作𪗇  
拂𪗇𪗇𪗇○毛詩釋文弗韓詩作拂拂弗也

案弗卽去也說詳韓詩攷

寶房寶苞○讀詩記引崔集注作寶房寶苞

案方房古以音同通假書序乃遇汝鳩汝方史記殷  
本紀作遇女鳩女房是其證也又詩大山旣方旣阜  
箋云方房也謂孚甲始生而未合時也則義並通矣

惟亶惟芑○隋書音樂志詩曰惟亶惟芑

案毛詩釋文糜音門赤苗也爾雅作亶同郭亡偉反  
赤梁粟也今爾雅釋草彙赤苗作亶字彙亶古通

亶之秬秠 亶之糜芑○毛詩釋文恒古鄧反本又作亶

案臧庸云正義曰定本作恒集注皆作亶字衆經音

義一又四又十二又廿二引詩並作亶

或舂或扠○儀禮有司徹注挑讀如或舂或扠之扠今文  
挑作扠

周禮女舂扠注扠扠白也詩云或舂或扠

或簸或舂○說文臼部舂扠白也舂臼詩曰或簸或舂

重文抗云音或从手从宀又脫云音或从白宀

案音毛詩作掄抗禮古文作挑挑掄之相假借猶挑  
愉佻偷之相假借也音掄亦一聲之轉盧文弼曰釋  
文云掄說文作𠄎弋紹反據此則上不應作或簸說  
文簸乃誤字也

淝之澨澨○毛詩釋文叟叟字又作澨澨米聲也爾雅作  
澨音同郭音驪

淝之澨澨烝之焯焯○爾雅釋訓澨澨漸也焯焯烝也樊  
光注詩云淝之澨澨烝之焯焯

案爾雅釋文澨澨郭蘇刀反詩云淝之澨澨又毛詩

釋文浮如字氣也爾雅說文並作焯云蒸也

說文火部焯蒸也从火孚聲詩曰蒸之焯焯

取抵以較○毛詩釋文抵都禮反牡羊也字亦作羝

案正義本作羝

其馨始升○毛詩釋文其香一本作馨

后稷兆祀○禮記表記詩云后稷兆祀

案兆毛詩作肇古文假借字也故箋以肇祀爲郊兆  
之祀蓋用三家今文爲說

行葦

瞻彼行葦○白帖九十六瞻彼行葦牛羊勿踐履詩注言

周室忠厚

案毛詩作敦彼行葦傳云敦聚貌

維葉萋萋○毛詩釋文泥泥張揖作萋萋云草盛也

維葉杞杞○文選注四詩曰維葉杞杞

左思蜀都賦

案盧文弨云潛夫論德化篇引詩作維葉握握當是

杞杞之譌

肆筵設机○楚詞注九筵席也詩曰肆筵設机

案毛詩作設席机字疑誤以下有授几有緝御也

或膳或炙○左傳成十三年正義詩曰或膳或炙

案膳毛詩作燔燔與膳通左傳與執燔焉燔亦作膳

加故脾臄○毛詩箋以脾函爲加故謂之嘉正義曰定木  
集注經皆作嘉箋以脾臄爲加故謂之嘉是爲嘉美之  
加也

案阮氏校勘記云依此則正義本經當作加字然箋  
以加訓嘉者詁訓之法也若經字作加則箋無庸云  
故謂之加矣當以定本集注爲長

嘉殺脾醪○毛詩釋文臄字或作醪

案臄訓口次肉醪訓會飲酒作醪者同音假借字也  
嘉肴脾臄○玉篇肉部臄口上阿也詩曰嘉肴脾臄

案文選注四十二引詩亦作嘉肴

舍矢既鈞○列女傳六詩曰敦弓既堅舍矢既鈞言射有法也

案此句上有四鐻既鈞句則當依毛詩作舍矢既均於義為長

敦弓既磬○毛詩釋文既句說文作磬云張弓曰磬彫弓既磬○張衡東京賦彫弓既磬

案毛詩正義云敦與彫古今字之異又引二京賦曰彫弓既磬磬與句字雖異音義同

酌以大料○毛詩釋文斗字又作料

案說文料勺也徐曰料有柄形如北斗用以斟酌也

黃耇鮐背○藝文類聚十八毛詩曰黃耇鮐背以引以翼  
案白帖六十引詩亦作鮐背毛詩台字卽鮐之借  
既醉

室家之壺○毛詩釋文壺苦本反毛廣也鄭摶綴也

說文口部商宮中道从口象宮垣道上之形詩曰室家  
之壺

案壺字正義本作壺段玉裁云說文壺从口象宮垣  
也餘象道按上當是從東省從東者內言不出於閫  
之意喬樞攷玉篇壺字入粟部粟彙也廣韻曰粟大  
束是壺字隸變爲壺從粟省取捆束堅緻之義故箋

云靈之言捆也室家先以相捆綴已乃及於天下

釐爾士女○列女傳二詩曰釐爾士女從以孫子

案毛詩作女士箋云女而有士行者

鳧鷖

鳧鷖在梁○說文鳥部鷖鳧屬从鳥嚴聲詩曰鳧鷖在梁

案段玉裁云梁字誤當作涇

爾肴既馨○太平御覽九百十九詩曰爾肴既馨

爾肴既嘉○太平御覽九百十九詩曰爾肴既嘉

公尸來燕醺醺○說文酉部醺醉也从酉熏聲詩曰公尸

來燕醺醺

案毛詩作公尸來止熏熏箋云燕七祀之尸於門戶之外不敢當主之燕禮故變言來止熏熏坐不安之意與許君義異

燔炙芬芬○說文繫傳炙部燔下鉛曰詩曰燔炙芬芬

案今詩作燔卽燔字之消

假樂

嘉樂○左氏文四年傳公賦嘉樂

案左傳襄二十六年又云晉侯賦嘉樂毛詩作假乃古文之假借故傳卽訓假爲嘉

趙岐孟子注七詩大雅嘉樂之篇

嘉樂君子憲憲令德○禮記中庸詩曰嘉樂君子憲憲令德

案釋文云嘉詩作假音同正義云詩本文憲憲爲顯顯與此不同者齊魯韓詩與毛不同故也

隸釋緩氏校尉熊君碑嘉樂君子

保佑命之○禮記中庸詩曰保佑命之自天申之

案毛詩作佑

穆穆煌煌○班固明堂詩穆穆煌煌

案毛詩煌作皇

且君且王○毛詩釋文且君且王一木且竝作宜字

案作且者毛詩古本也後漢書趙壹賦云且公且侯  
子子孫孫又郭躬陳寵傳贊云施于孫子且公且卿  
文法卽本此詩

不窩不忘○春秋繁露郊語篇詩云不窩不忘率山舊章  
不憊不亡○說苑建本篇詩云不憊不亡率山舊章

案文選注二十三引毛詩作不憊不忘憊與憊同見  
漢書集注憊與窩通見文選李善注說詳齊詩攷

帥由舊章○隸釋小黃門譙敏碑帥由舊章

案盧文弨云風俗通愆禮篇引詩率山舊章宋本率

字作帥

率由仇匹○春秋繁露楚莊王篇詩云率山仇匹

案仇匹毛詩作羣匹

不解于位民之攸暨○漢書五行志中之上詩曰不解于位民之攸暨

案毛詩釋文以匪解作音是其本作匪解于位今通志堂本仍作不臧庸云葉鈔釋文作匪懈又左傳哀五年引詩民之攸暨釋文本作攸暨

匪懈于位○詩經考文不解古本作匪懈

民之攸暨○爾雅釋詁某氏注詩曰民之攸暨

案毛詩作暨正義曰暨與暨古今字

公劉

迺裏糲糧○毛詩釋文餼字或作糲糧本亦作糲

乃裏糲糧○文選于令升晉紀總論詩曰乃裏糲糧

案文選注廿二引詩文同又白帖十四卅四引詩同

乃裏餼糲○太平御覽七百四詩曰乃裏餼糲

思戢用光○孟子梁惠王下籓詩曰思戢用光

案戢毛詩作輯

思集用光○尚書無逸某氏傳思集用光

迺場迺疆○唐石經迺場迺疆

案釋文云場音亦唐石經作場誤也

而無永嘆○毛詩釋文歎字或作嘆

陟則在甌○毛詩釋文甌本又作嶽

案正義本作嶽阮氏按勘記云正義引釋山曰重嶽  
賺又引西京賦陵重嶽是其本亦作甌字與釋文本  
同唐石經以下出於又作本

迺覲于京○毛詩釋文迺覲古豆反

案今正義作乃覲唐石經乃作迺與釋文本同

既登乃展○毛詩釋文依毛如字鄭於豈反箋云或展字  
案鄭箋云公劉既登堂負展而立阮氏按勘記曰此  
箋易傳以依爲展之假借不云讀爲直於訓詁中改

其字以顯之也今攷釋文以箋云依或展字是陸所據鄭箋有此語或轉寫脫佚耳

既登迺依○唐石經既登迺依  
迺造其曹○唐石經迺造其曹

案釋文本作乃造

既景迺同○毛詩正義定本影皆爲景字

案據正義則孔所據本作影字阮氏校勘記曰影爲景之俗字論詳顏氏家訓當以定本爲長

于邠斯觀○白虎通京師篇詩曰篤公劉于邠斯觀

案觀毛詩作館館觀古通說詳魯詩攷

取礪取礪○毛詩釋文取厲本又作礪取鍛本又作礪

案詩經考文云古本作取礪取礪

芮隄之卽○漢書地理志本注詩芮隄雍州川也師古曰隄讀與鞠同韓詩作芮隄

案據此是齊韓詩同作芮隄

洧坻之卽○周禮職方氏注洧在幽地詩大雅公劉曰洧坻之卽

案毛詩釋文云芮木又作洧

洧鞠之卽○周禮釋文坻詩作鞠

案鞠今釋文正義本並作鞠徐鉉說文繫傳引詩作

餽餽之卽

洞

可以饋餽。○毛詩釋文僭甫云反又作饋字書云一蒸米也爾雅饋餽餽也孫炎云蒸之曰饋均之曰餽郭云餅熟曰餽

說文食部僭酒食也从食喜聲詩曰可以饋餽重文餽云餽或从𧇗又糝云餽或从米

凱弟君子。○禮記孔子切居詩曰凱弟君子民之父母  
愷悌君子。○孝經廣至德章詩云愷悌君子民之父母  
管子輕重丁篇詩曰愷悌君子民之父母

荀子禮論詩云愷悌君子民之父母

呂覽不屈篇詩曰愷悌君子民之父母愷者大也悌者長也君子之德長且大者則爲民父母

賈子君道篇詩曰愷悌君子民之父母言聖王之德也說苑政理篇詩云愷悌君子民之父母未見子富而父母貧者也

愷弟君子○百虎迎我號篇詩曰愷弟君子民之父母

案毛詩作豈弟爾雅釋詁疏引詩豈作愷宋本說苑引詩愷作凱史記孝文紀後漢書章帝紀引詩並作愷悌趙坦云山左金石志後魏張猛龍碑亦作愷悌

臧庸云文選注九引詩亦作愷悌又後漢書章帝紀  
注引詩作人之父母

卷阿

栗風自南○毛詩釋文栗風迴風也本亦作飄

案正義本作飄風

來遊來歌○列女傳六詩云來遊來歌以矢其音

案詩經考文云古本游作遊攷太平御覽五十六引  
詩亦作遊字與列女傳合

伴與爾游矣○毛詩箋伴與自縱弛之意也

案毛傳云伴與廣大有文章也釋文伴音判徐音昨

與音喚徐音換正義曰伴爲廣大與爲文章故孔晁引孔子曰與乎其有文章伴乎其無涯際則毛當讀爲伴與不得如徐音徐音自爲鄭讀也據此是鄭讀伴與爲畔換與毛文義並異蓋用三家之說

嗣先公爾酋矣○爾雅釋詁注詩曰嗣先公爾酋矣

案毛詩作似先公酋矣傳云似嗣也此所引文異蓋據舊注所引魯詩之文也

似先公道矣○毛詩正義曰道終釋詁文彼道作酋首義同也

案阮氏校勘記云正義當本作酋終釋詁文彼酋作

適寫者亂之耳

以先公酋矣。○唐石經原刻似字作以

祓祿康矣。○爾雅釋詁注詩曰祓祿康矣

案毛詩作弗祿爾康矣此所引文異蓋亦據舊注魯

詩之文毛傳訓弗爲小箋云弗福也卽用三家訓義

有憑有翼。○毛詩釋文馮本又作憑

愷悌君子。○列女傳五詩曰愷悌君子四方爲則

案毛詩作豈弟

崑崙昂昂。○蔡邕上壽表詩曰崑崙昂昂

隸釋漢平都相蔣君碑崑崙昂昂。○又漢衛尉衡方碑

禹禹昂昂

案毛詩作卬卬爾雅釋訓同卬卬昂之消借字

聚經音義四詩曰禹禹昂昂

案衆經音義十三引詩文同

如珪如璋○荀子正名篇詩曰如珪如璋

案毛詩作如圭唐石經作如珪

蔡邕上書表詩曰如珪如璋

平論修本篇詩云如珪如璋令聞令望

案文選注四十二四十六引詩皆作珪又後漢書檀

敷傳注引詩文同

令問令望○毛詩釋文聞音問本亦作問

荀子正名篇詩曰令問令望

案文選注四十六四十七引詩文同

鳳凰于飛噦噦其羽○說苑舉世篇詩曰鳳凰于飛噦噦其羽

案唐石經鳳作皇說文颺下引詩正作皇字鳳者皇之俗體也噦噦毛詩作颺颺噦噦之假借

講講士多吉士○毛詩釋文講於害反說文作講

說文言部講臣盡力之美也从言葛聲詩曰講講王多吉士

梧桐生矣於彼高岡鳳皇鳴矣於彼朝陽萋萋萋萋嘒嘒  
嘒嘒○論衡講瑞篇詩云梧桐生矣於彼高岡鳳皇鳴  
矣於彼朝陽萋萋萋萋嘒嘒嘒嘒

案此所引梧桐生矣四句與毛詩次異初學記引此  
四句與論衡同又嘒嘒毛詩作嘒嘒

雍雍嘒嘒萋萋萋萋○焦氏易林觀之謙雍雍嘒嘒萋萋  
萋萋

案此二句亦與毛詩次異蓋三家師讀本有不同耳  
詩經考文云古本作雍雍與易林合

民勞

迄可小康○漢書元帝紀詩不云虐民亦勞止迄可小康  
案迄毛詩作汜

毋從詭隨○左氏昭二十年傳詩曰毋從詭隨以謹無良  
案左傳釋文云毋本亦作無毛詩毋從作無縱

毋從詭隨○家語正論解詩曰毋從詭隨  
以謹是良○潛夫論述赦篇毋縱詭隨以謹是良

案是字疑無之誤

慘不畏明○左氏昭二十年傳詩曰式遏寇虐慘不畏明  
家語正論解詩曰式遏寇虐慘不畏明

案毛詩釋文慘本亦作憚憚也正義本作憚不畏明

晉不畏明。○說文曰部晉晉也从日旣聲詩曰晉不畏明  
採遠能邇。○毛詩釋文採音柔本亦作柔能徐云毛如字  
鄭奴代反

案鄭箋能仰也釋文云仰檢字書未見所出廣雅云  
如若也均也義音相似而字則異舊音如庶反義  
難見鄭注尙書云能恣也與此不同正義曰尙書注  
以能爲恣則此云仰也與恣同謂順適其意也今檢  
集韻類篇並云仰均也據孔疏以仰爲順適則義當  
訓若若即順也

以謹悵悵。○毛詩釋文悵音昏說文作悵云悵也

說文心部恨愾也从心民聲愾亂也从心奴聲詩曰以謹愾愾

案段玉裁說文注云愾各本作愾今正民勞釋文曰愾說文作愾舊本如是今本作說文作昏誤也

以謹謹曉○周禮大司徒疏毛詩曰以謹謹曉

案鄭箋云愾愾猶謹曉也此疏所云毛詩從箋所訓

改字也

毋縱詭隨○左氏文十年傳詩曰毋縱詭隨以謹罔極

以謹繼卷○毛詩釋文繼字或作卷

王用玉女○詩經考文古本欲作用

板

上帝版版。○文選注五十四。毛詩曰上帝版版。

辨命論

案後漢書董卓傳論注引詩亦作版版。

下民卒俚。○毛詩釋文卒俚本又作瘰。沈本作瘰。

案爾雅釋詁瘰病也。疏引詩亦作瘰字。

下民卒瘵。○禮記緇衣詩云上帝板板下民卒瘵。

案禮記釋文板作版又云卒瘵本亦作瘰。是陸孔本

有不同也。

下民瘵瘵。○韓詩外傳五詩曰上帝板板下民瘵瘵。

案毛詩箋云天下之民盡病是以卒字訓盡。與韓詩

文義並異

靡聖憲憲○廣韻二十四綏詩傳云憲憲無所依

案毛詩傳云管管無所依也廣韻所引詩傳作憲憲當是三家今文毛古文作管卽憲字之假借

不實于貞○唐石經於作于

案葛本詩經同

猷之未遠○列女傳六詩云猷之未遠是用大諫

案毛詩猷作猶

是用大簡○左氏成八年詩曰猶之未遠是用大簡

案大簡詩作大諫杜預左傳注云簡諫也則簡卽諫

之古文假借字

無然嘽嘽○無然譖譖○說文口部嘽多言也从口世聲  
詩曰無然嘽嘽○又言部譖多言也从言世聲詩曰無  
然譖譖

案嘽譖字同許所引詩皆三家今文也毛詩作泄泄  
乃古文之假借

詞之譖矣○說文繫傳十部謂詞之譖矣从十聿聲徐鍇  
曰此詩云詞之譖矣民之繹矣今詩緝字註和集也故  
從十

案玉篇廣韻並引說文譖辭之集也則說文譖下原

本當有辭之集也詩云六字蓋轉寫奪失之段氏說  
文注云今毛詩作輯傳云輯和也許所衍蓋三家詩  
辭之集矣○新序雜事三詩曰辭之集矣民之洽矣

民之協矣○左氏襄卅一年傳詩曰辭之輯矣民之協矣  
列女傳六詩曰辭之輯矣民之協矣

案協洽音近而義亦同小雅正月詩洽比其鄰左傳  
兩引皆作協比

辭之釋矣○毛詩釋文釋木亦作憚

案正義本作憚與陸本文異詩經考文云古本作憚  
阮氏校勘記曰案古無憚字以釋爲之釋文是也

及爾同寮○毛詩釋文僚字又作寮

案盧文弨云左傳文七年荀林父賦板之三章亦作同寮趙坦云唐石經正作寮字

聽我放放○潛夫論明忠篇詩云我卽爾謀聽我放放

案放放毛詩作監監爾雅釋訓放放傲也正釋此詩之訓與潛夫論引詩文同皆據魯詩也

勿用爲笑○荀子大畧篇詩曰我言惟服勿用爲笑

案毛詩用作以

詢于芻蕘○鹽鐵論刺議篇詩曰先民有言詢于芻蕘

案後漢書列女傳注引作詢於芻蕘

老夫嚙嚙小子矯矯○尙書大傳注老夫嚙嚙小子矯矯  
案嚙毛詩作灌爾雅釋訓作懼荀子非十二子篇嚙  
嚙然而不知其所非也注以嚙嚙爲喧譁之貌謂爭  
辯也矯毛詩作躄列女傳引詩作矯矯矯古通用國  
語晉語長魚矯左氏成十七年傳作長魚矯是其驗  
也漢書薛宣朱博傳音義引呂靖曰矯毒蟲也今借  
以爲矯字

老夫懼懼○爾雅釋訓懼懼憂無告也

案爾雅釋文云灌灌本或作懼是爾雅懼懼二字正  
釋板詩老夫懼懼之訓

小子矯矯○列女傳三詩曰老夫灌灌小子矯矯

多將謫謫○爾雅釋訓謫謫謫謫崇譏慝也

案毛詩作媯媯郝懿行曰爾雅謫謫本亦作媯故釋文謫謫下別出媯字是卽古本作媯之證陸德明不察以爲本今無此字非也說詳魯詩攷

民之方唵呶○毛詩釋文殿說文作唵屎說文作呶

說文口部唵呶也从口念聲詩曰民之方唵呶又云呶唵呶呶也从口尸聲

案爾雅釋訓殿屎呶也釋文云殿屎或作歛吹又作噉脍說文作唵呶五經文字亦云屎說文作呶然則

說文作唵𠄎誤也段玉裁曰說文唵下當云唵𠄎也今本無唵者淺人以爲複字而刪之無𠄎者淺人所改也宜依全書通例補正𠄎下當云唵𠄎也从口伊省聲作𠄎者俗人妄改也以虫部𧈧字例之亦爲伊省聲

民之方殿𠄎○蔡邕和熹鄧后謚議入懷殿𠄎之聲

案殿或从口作𠄎或从心作慙𠄎或从言作訃或从欠作𠄎並音義同

民方殿屎○詩經考文古本無之字

相亂茂資○說苑正理篇詩云相亂茂資曾莫惠我師

案和亂毛詩作喪亂

天之誘民如填如箠○風俗通義六詩云天之誘民如填如箠

案詩經考文云古本牖作誘下同太平御覽八百七引毛詩亦作天之誘民填毛詩作填

如璋如珪○虞世南北堂書鈔五詩曰如璋如珪案詩經考文云古本圭作珪

誘民孔易○禮記樂記詩云誘民孔易  
韓詩外傳五詩云誘民孔易

史記樂書詩云誘民孔易裴駟集解曰誘進也

民之多僻○毛詩釋文多僻匹亦反邪也

案正義本作多僻諸所引詩竝作僻字

文選張衡思元賦覽蒸民之多僻兮畏立辟以危身注曰毛詩曰民之多僻無自立辟

文選稽康幽憤詩民之多僻政不出已

案文選張平子東京賦周姬之末政用多僻注亦引詩作僻

家語子路初見篇詩曰民之多僻無自立辟

玉篇人部詩云民之多僻僻邪也

聚經音義九詩曰民之多僻箋云僻邪也

人之多僻○後漢書張衡傳注詩曰人之多僻無自立僻  
案此民字作人避太宗諱而改也

介人維藩 太師維垣○毛詩箋介甲也太師三公也

案釋文云价鄭作介大師音泰注同

介人惟藩大師惟垣大邦惟屏太宗惟翰懷德惟甯示子  
惟城毋俾城壞毋獨斯畏○漢書諸侯王表詩載其志  
曰介人惟藩大師惟垣大邦惟屏太宗惟翰懷德惟甯  
宗子惟城毋俾城壞毋獨斯畏

案毛詩介作价惟俱作維毋俱作無盧文弨云漢書  
王莽傳引亦作介人惟藩又爾雅釋詁注引同

荀子君道篇詩曰介人惟藩大師惟垣

左氏昭六年傳詩曰毋俾城壞毋獨斯畏

畏天之怒不敢戲豫○後漢書蔡邕傳詩云畏天之怒不敢戲豫

案毛詩畏作敬不作無下句同

不敢戲豫 不敢馳驅○左氏昭三十二年傳詩云敬天之怒不敢戲豫敬天之渝不敢馳驅

後漢書郎顛傳詩云敬天之怒不敢戲豫

案丁鴻傳引詩同又爾雅釋詁疏引亦作不敢戲豫敬天之威不敢驅馳○後漢書楊秉傳詩云敬天之威不

敢驅馳

案毛詩威作渝驅馳作馳驅文與此異

及爾游羨○毛詩釋文羨本或作衍

案正義本作衍

大雅蕩之什

盪盪上帝○爾雅釋訓盪盪僻也孫炎注盪盪法度廢壞  
之僻

案毛詩箋云蕩蕩法度廢壞之貌孫炎卽取鄭箋爲  
說是詩蕩蕩三家文有作盪盪者爾雅釋文云蕩蕩  
本或作盪盪

其命多僻○毛詩釋文辟又作僻

說苑至公篇詩云疾威上帝其命多僻言不公也

天命匪忱○說文心部忱誠也从心允聲詩曰天命匪忱  
案毛詩天生烝民其命匪誕字不作忱許所引詩據

三家今文也

浴爾殷商○文選注廿四毛詩曰浴爾殷商

潘安仁爲賈謐作贈陸機詩

案毛詩爾字作女

曾是彊圉○漢書敘傳曾是彊圉培克爲雄

案王氏詩攷所引如此盧文弼云今漢書敘傳下及

注作強圉毛詩作彊禦傳云彊禦彊梁禦善也

曾是倍克○毛詩正義云定本培作倍倍卽培也

侯詛侯祝○侯作侯呪○毛詩釋文作本或作詛祝本或

作呪非

案正義云作卽古詛字尙書無逸篇疏引詩作侯詛

咆然於中國○文選注六詩云咆然於中國  
魏都賦

咆哮于中國○說文繫傳口部咆下錯曰按詩云咆哮于

中國

案毛詩包然上有女字徐鍇說文繫傳引詩無女字  
與文選注合包然咆哮古今文之異

爾德不明呂亡陪亡卿不明爾德呂亡背亡仄○漢書五  
行志中之下詩云爾德不明呂亡陪亡卿不明爾德呂  
亡背亡仄

案晉書五行志中引同惟仄字作側毛詩作不明爾  
德時無背無側爾德不明以無陪無卿與此所引文

異班志載五行傳引詩云云蓋本齊詩也

以無倍無側○韓詩外傳五詩曰不明爾德以無倍無側  
案王氏詩攷所引如此又外傳卷十引詩同今本改  
從毛詩作時無背無側非是

以無培無卿○毛詩釋文陪本又作培

既警爾止○毛詩釋文警本又作警

式號式諄○毛詩釋文呼崔本作諄

漢書敘仙班伯曰式號式諄大雅所自流連也

案此作諄字與崔本合說詳齊詩攷

或號或呼○毛詩釋文式一本作或號或呼

卑書作夜○毛詩釋文卑本亦作俾後皆同

案正義本作俾

如蝮如螳○白帖九十五詩云如蝮如螳

案毛詩螳作蝮

內蠱于中國○文選六劉淵林注詩曰內蠱于中國

案蠱毛詩作𧈧傳云𧈧怒也不醉而怒曰𧈧正義引

西京賦云巨靈𧈧𧈧以流河曲則𧈧者怒而目作氣

之貌故爲怒也集韻𧈧从三大三目或省作𧈧𧈧又

通作蠱玉篇云蠱負作力貌蠱負猶𧈧𧈧也

本寔先敗○列女傳七詩曰枝葉未有害本寔先敗

案毛詩作本實先撥

殷監不遠在夏后氏之世○漢書杜欽傳詩云殷監不遠在夏后氏之世

案毛詩監作鑒夏后下無氏字漢書劉向傳及谷永傳引詩並作殷監

近在夏后之世○國語周語下詩云殷鑒不遠近在夏后之世

案毛詩無近字盧文弨云宋明道二年本國語亦無近字

抑

懿戒○國語楚語衛武公作懿戒以自儆韋昭注懿讀曰抑大雅抑之篇也

惟德之隅○漢書馮奉世傳贊詩稱抑抑威儀惟德之隅案惟毛詩作維漢書敘傳及東平憲王傳引並作惟惟德之隅○隸釋漢劉熊碑惟德之隅

案隅字卽隅之段借

靡詰不愚○靡慙不愚○毛詩釋文詰本又作哲亦作慙陟列反下同

案正義本作哲

文選注廿三詩曰靡詰不愚

無哲不愚○淮南人間訓詩曰人亦有言無哲不愚

有栝德行○禮記緇衣詩云有栝德行四國順之

案栝毛詩作覺傳云覺直也爾雅釋詁栝直也字異

而音義竝同

許漢定命○毛詩釋文謨沈本亦作漢

說見前

遺猷辰告○韓詩外傳六詩曰許謨定命遺猷辰告

案猷毛詩作猶

惟民之則○韓詩外傳六詩曰敬慎威儀惟民之則

案左傳襄三十一年引詩亦作惟毛詩作維

漢書匡衡傳詩大雅曰敬慎威儀惟民之則

案續漢書祭祀志注載東觀漢記引詩文同

荒悺于酒○韓詩外傳上詩曰荒悺于酒

案此據王氏詩攷所引今本外傳改作湛與毛詩同

荒沈于酒○漢書五行志谷永對曰詩曰荒沈于酒

女雖耽樂從○張衡西京賦耽樂是從

案耽毛詩作湛

女雖湛樂克從○唐石經女雖湛樂克從

案阮氏按勘記云唐石經樂下旁捺克字案捺者誤

毋淪胥以亡○詩經考文古本無作毋

洒掃廷內○毛詩釋文廷音庭

案正義本作庭唐石經初刻庭後改廷蓋依釋文本  
灑掃庭內○韓詩外傳六詩曰夙興夜寐灑掃庭內

案太平御覽一百八十五引毛詩作洒掃內庭此轉  
寫者誤倒之臧庸以爲異文非是

修爾輿馬弓矢戈兵用戒作則用逃變方○潛夫論勸將  
篇詩修爾輿馬弓矢戈兵用戒作則用逃變方

案毛詩輿作車戈作戎用戒作則作用戒戎作逃作  
邊文並與此異說詳解詩攷

用剔鬢方○毛詩箋邊當作剔剔治也

案說文元部云邊古逃字影部云剔鬢髮也皇矣詩

攘之剔之釋文云剔或作髡剔古今字逃過其假借也詳見鄭箋改字說

告爾民人○韓詩外傳六詩曰告爾民人謹爾侯度

案王氏詩攷引外傳作告今本仍同毛詩作質非

說苑修文篇詩云告爾民人謹爾侯度

誥爾民人○鹽鐵論世務篇詩云誥爾民人謹爾侯度

案諸所引俱作民人唐石經作人民蓋誤倒之郭璞爾雅注引詩質爾民人卽毛詩句可爲確證也

慎爾侯度○左傳襄廿二年詩曰慎爾侯度用戒不虞

晉書傅亮傳詩曰慎爾侯度用戒不虞言防萌也

案慎毛詩作謹

白珪之玷猶可磨也○史記晉世家詩曰白珪之玷猶可磨也孔子弟子列傳三復白珪之玷

案毛詩珪作圭猶作尙

說苑說叢篇詩云白珪之玷尙可磨也

案文選注廿六引詩亦作珪字又太平御覽三百九十引同

白圭之剗○說文刀部剗缺也从刀占聲詩曰白圭之剗案毛詩釋文玷缺也說文作剗玉篇云剗或作玷是

剗玷字同

毋曰苟矣○詩經考文古本無作毋

亡言不讐亡德不報○漢書王莽傳詩曰亡言不讐亡德不報

無德不報無言不酬○後漢書明帝紀詩曰無德不報無言不酬

案此引詩二句疑轉寫者誤倒之

無言而不讐無德而不報○墨子兼愛篇大雅之所道曰無言而不讐無德而不報

無言不酬○列女傳五詩云無言不酬無德不報

無言不酬○韓詩外傳十詩曰無言不酬無德不報

案王氏詩攷引外傳作酬今本外傳仍同毛詩作儻  
後人所改也

〔蔡邕太尉橋公廟碑無言不酬〕

無言不售○毛詩箋教令之出如賣物物善則其售賈貴  
物惡則其售賈賤

案釋文儻市由反徐云鄭市又反售市又反一本作  
儻謂儻物價也此音則與毛同是鄭箋售字或亦作  
儻本有不同也正義云箋以用非儻之正訓且與報  
德連文故以爲儻報物價則孔氏所據本作儻字矣

無言不訓○藝文類聚三十一詩曰無言不訓

案訓卽酬字見蒼頡篇

子孫承承○韓詩外傳六詩曰子孫承承萬民靡不承

案毛詩承承作繩繩說詳韓詩攷

子孫恹恹○爾雅釋訓恹恹戒也

案爾雅釋文繩繩本或作恹同食蒸反作恹者三家之異文也

萬民是不承○毛詩釋文靡不承一本靡作是

尙不媿于屋漏○毛詩釋文媿俱位反

案正義本作愧臧庸云唐石經宋本注疏宋本爾雅釋言注並作媿字

毛詩箋屋小帳也

案釋文屋如字或云鄭於角反鄭君訓屋爲小帳是

讀屋爲幄字

毋曰不顯○詩經考文古本無作毋

矧可敦思○說文繫傳通論詩曰矧可敦思

案敦毛詩作射

不譽于儀○禮記緇衣詩云淑慎爾止不譽于儀

案譽毛詩作愆說詳齊詩攷

不譖不賊○毛詩釋文不僭本亦作譖下我譖同

溫溫恭人○毛詩釋文恭本亦作共

告之詰言○毛詩釋文詰戶快反說文作詰云詰故言也  
案毛傳云詰言古之善言也與說文訓合則毛詩當  
本作詰言故毛以古之善言爲訓作話者非

覆謂我譖○毛詩釋文僭本亦作譖

嗚呼小子○楚詞注序詩人怨王刺上曰嗚呼小子未知  
臧否

又選注卅七詩曰嗚呼小子未知臧否

諸葛孔明  
出師表

案毛詩作於乎說詳韓詩攷

匪面命之言示之事匪口誨之言提其耳○說文繫傳曰  
部石下詩曰匪面命之言示之事匪口誨之言提其耳

案毛詩匪手携之言示之事匪而命之言提其耳楚  
金繫傳所引文異盧文弼以爲此或誤記耳又繫傳  
匪下引詩作言提之耳亦與毛詩文異

藉曰未知○漢書霍光傳詩云藉曰未知亦既抱子

案藉毛詩作借

誰夙知而暮成○毛詩釋文莫本亦作暮

案詩經考文云古本莫作暮

我心慄慄○五經文字我心慄慄

案阮氏校勘記云釋文本正義本皆作慘慘唐石經  
同此以韻求之當作慄慄爲是

誨爾誦誦○毛詩釋文誦誦字又作誦

案爾雅釋訓誦誦亂也卽釋此詩之訓釋文云誦或

作誦音同

誨爾怵怵○禮記中庸注怵讀如誨爾怵怵之怵

案怵毛詩作誦說詳齊詩攷

誨爾純純聽我眊眊○尚書大傳洪範五行傳注誨爾純

純聽我眊眊

案純者誦之譌字眊者邈之假借說詳習詩攷

聽我邈邈○雅南修務訓注詩云誨爾誦誦聽我邈邈

案邈毛詩作貌爾雅釋訓邈邈也正釋此詩邈義

聽之藐藐○中論虛道篇詩曰誨爾諄諄聽之藐藐  
匪爲川教○葛本詩經匪爲川教

案阮氏按勘記云唐石經小字本相臺本皆作匪用  
爲教岡本明監本毛本川爲誤倒與葛本同

取辟不遠○列女傳八詩口取辟不遠昊天不弔

案毛詩辟作譬

桑柔

苑彼桑柔○毛詩釋文苑音鬱茂也

案今釋文仍同正義本作苑臧庸云宋版釋文作苑  
其下候洎○爾雅釋言某氏注詩云其下候洎

案洵毛詩作旬卽洵之消借李巡云洵徧之均也

倉況填兮○毛詩釋文見音況本亦作況

案詩經考文云古本兌作況

旰旣有偏○毛詩釋文有偏音篇本亦作旰

案正義本作旰字趙坦云國語周語下補音引詩作

旰旣有偏與釋文同

具禍以蓋○毛詩釋文蓋才及反災餘曰蓋本亦作燼同

案正義本作燼字臧庸云葛本作具旣以燼

國步斯頽○說文目部頽張目也从目賓聲詩曰國步

斯頽

案嘖毛詩作頻傳云頻急也箋云頻比也許所引詩據三家之異文也

靡所止疑○毛詩正義疑音凝凝者安靖之義故爲定也案王氏詩攷引詩說云靡所止疑齊詩作凝

憂心殷殷○憂心隱隱○楚詞注十六詩云憂心殷殷○舊校云一作隱隱

案殷毛詩作愆爾雅作殷釋文云殷樊光讀於謹反郝懿行云此罔隱字之音說詳魯詩攷

逢天亶怒○毛詩釋文亶都但反厚也本亦作亶同

案正義云亶亶音相近義亦同

孔棘我禦○毛詩箋圍當作禦甚急矣我之禦寇之事

案毛傳訓圍爲垂正義引舍人爾雅注云圍拒邊垂也鄭箋訓與毛異蓋用三家之說

告女髮郵誨女序嚴孰能執熱鮮不用濯○墨子尙賢篇詩云告女髮郵誨女序嚴孰能執熱鮮不用濯

案毛詩女皆作爾嚴作鬻孰作誰鮮作逝用作以墨子所引詩文與毛氏異

如彼愬風○文選注十三詩云如彼愬風

謝希逸月賦

案錢大昕曰袁宏賦感不絕于予心愬流風而獨寫正用此詩阮氏校勘記云唐石經初刻作愬後改作

遡李善注月賦引作愬當是三家異字石經誤用之耳亦所云字體乖師法也

亦孔之恣○說文繫傳恣也乞咽也詩曰如彼遡風亦孔之恣向風而行則乞咽也

案恣毛詩作儗爾雅釋言儗也

逆云不逮 併云不逮○毛詩釋文非字又作逆音普耕反徐補耕反本或作併

案毛傳非使也正義曰非使釋詁文攷爾雅併使也郭注云見詩邢疏曰大雅桑柔云非云不逮併非音義同逆字亦以音近通儗集韻逆音悍與侔同使也

好是家嗇○毛詩釋文家王申毛音駕謂稼穡也鄭作家  
謂居家也下句家稿惟寶同稿本亦作嗇音色王申毛  
謂收稿也鄭云各嗇也詩鄭家嗇二字本皆無禾者下  
稼穡卒痒始從禾

案正義云箋不言稼當爲家則所授之本先作家字  
也是孔氏亦以鄭君本作家嗇與陸氏語同

家嗇惟寶

見上

威我立王○唐石經初刻作威後改從滅

案阮氏按勘記云初刻作威誤也

降此豈賊○毛詩釋文豈說文作蚤

案詩經考文云古本肅作蚩

哀制中國○毛詩釋文制本又作恫

案阮氏校勘記云通志堂本肅本制作恫恫作痼案  
所改未是也當是釋文本此經字作恫與唐石經以  
下各本不同小字本所附上恫下恫乃順正文改易  
耳阮校是也

以念穹倉○舊本詩經蒼作倉

秉心宣猷○列女傳八詩曰秉心宣猷考慎其相

案毛詩猷作猶

惟彼不愼○陸贄集詩云惟彼不愼自獨俾臧言自用也

案慎毛詩作順陸所引或據韓詩之文

自獨卑臧○百覽知度篇注詩云惟彼不順自獨卑臧

淮南汜論訓注警毀行人自獨卑臧

案毛詩卑作俾

自有膈腸○毛詩釋文膈本作膈芳廢反

案集韻膈音怖金藏也本作肺

朋友已僭○毛詩釋文譖本亦作僭

胡此畏忌○漢書賈山傳詩曰匪言不能胡此畏忌

案此毛詩作斯

秦風有隧○爾雅釋天注詩曰秦風有隧

案泰毛詩作大

泰風有遂○初學記一詩曰泰風有遂

泰風有墜○太平御覽九詩曰泰風有墜

惟彼不順往以中垢○韓詩外傳五詩曰惟彼不順往以

中垢闕行也

案往毛詩作征中垢今本外傳作蠱垢誤此據王氏

詩攷所引

大風有遂○潛夫論過利益言是大風也必將有遂是貪

民也必將敗其類

案毛詩遂作隧

聽言則對譖言則退。○漢書賈山傳詩曰聽言則對譖言則退。

案顏師古注云今詩本云聽言則對誦言如醉說者又別爲義與此不同喬樞謂此二句自是兩無正詩文賈山川魯詩魯說以桑柔與雨無正均爲刺厲王之詩故與匪言不能二句類舉之非桑柔之異文也說詳魯詩攷

反乎來嚇。○毛詩箋口距人謂之嚇。

案釋文赫毛許白反炙也與王赫斯怒同義本亦作嚇鄭許嫁反口距人也莊子云以梁國嚇我是也臧

庸云衆經音義三引詩竝作嚇字又司馬光太元集  
注引詩作反予來嚇與釋文亦作木合

職諒善背○毛詩箋諒信也

案釋文涼毛音良薄也鄭音亮信也下同

諒曰不可○唐石經涼作諒

案詩經考文云古本職涼與涼曰皆作諒字

雲漢

劉彼雲漢○北堂書鈔天部韓詩曰劉彼雲漢注曰宣王  
遭旱仰天也

案對字乃劉之譌小雅甫田篇倬彼甫田釋文云倬

韓詩作剡剡卓也此詩毛作倬彼雲漢知韓詩亦作剡字也說詳韓詩攷

昭回於天 王曰嗚呼 飢饉荐臻。○春秋繁露郊祀篇  
時曰倬彼雲漢昭回於天王曰嗚呼何辜今之人天降  
喪亂飢饉荐臻

案據王氏詩攷引春秋繁露如此今本春秋繁露於  
作于嗚呼作嗚乎飢作饑與詩攷所引文異毛詩於  
亦作于嗚呼作於乎飢作饑荐作薦與董子所引亦  
異是古今文本有不同也

藝文類聚一百詩曰饑饉荐臻

案爾雅仍餓爲荐釋文云荐本作薦

珪璧既卒○春秋繁露郊祀篇詩曰珪璧既卒

案毛詩珪作圭考文云古本作珪

鬱隆炯炯○毛詩釋文蘊韓詩作鬱蟲蟲韓詩作炯炯

韓詩傳曰炯謂燒草傳火盛也

韓嚴經音義下

案傳火當是傳火之爲蘊鬱雙聲故通用集韻蠱本作炯是蠱炯字同卑蒼云炯炯熱貌也說詳韓詩攷

蠱隆蟲蟲○毛詩釋文蘊本又作蠱

溫隆蟲蟲○毛詩正義曰溫字定本作蘊

蘊隆蠱蠱○爾雅釋訓蠱蠱熏也郭注早熱熏炙人

案毛詩蝻蝻卽蠹蠹之消借

后稷不刻○毛詩箋克當作刻刻識也

案釋名釋言語云克刻也詳見鄭箋改字說

耗射下土○毛詩釋文斲說文字林皆作燬

耗射下土○春秋繁露郊祀篇詩曰耗射下土

耗斲下土○玉篇禾部耗敗也詩云耗斲下土

案耗卽耗之俗體毛詩釋文引韓詩云耗惡也說詳

韓詩攷斲射古字通用

矜矜業業○毛詩釋文疏本又作矜

維周黎民○論衡藝增篇詩云維周黎民靡有孑遺

案論衡治期篇引詩仍作周餘黎氏與毛詩同

胡不相畏○毛詩釋文相毛如字鄭息亮反

案陸以鄭箋訓相爲助與毛公異讀正義申毛卽用鄭箋之義是孔意訓毛鄭訓同也

先祖于嗟○毛詩箋推當作嗟嗟也

案毛傳訓推爲至陳旼源曰箋云先祖之神于嗟乎告困之辭如箋說則經文于字當讀爲吁也

赫赫煖煖○毛詩釋文炎如連反本或作煖音同

案詩經考文云古本作煖煖毛傳云炎炎熱氣也則作煖者假借字也爾雅釋訓亦作炎炎

蓺蓺山川○說文艸部蓺草草盡也从艸似聲詩曰蓺蓺  
山川

蓺蓺山川○玉篇艸部詩云旱既太甚蓺蓺山川

案蓺蓺毛詩作滌滌玉篇蓺下云本亦作滌疑滌爲  
蓺之譌字說文及玉篇所引詩皆三家異文也

如熒如焚○毛詩釋文焚本又作樊同扶云反

案樊字各本譌作樊攷說文樊燒田也當作樊爲是  
盧文弨云小字本所附是樊字

如炎如焚○後漢書章帝紀今時復旱如炎如焚章懷注  
曰韓詩旱魃爲虐如炎如焚

案炎毛詩作憺正義曰定本經中作如憺如焚是正義所據本作如炎矣藝文類聚一百引詩亦作如炎我心癩著○百帖四詩我心癩著

案癩毛詩作憺傳云憺勞也是讀憺爲癩箋云憺畏也是讀如字與毛義異

憂心如燠○毛詩釋文熏本又作燠

案今本熏字作薰非是唐石經作熏小字本相臺本閩本同詩經考文云古本作薰宋板同

甯俾我遂○毛詩釋文逯本亦遂

案說文遂古文遁字遁亦作逯

密勿畏去○後漢書蔡邕傳宣王遭旱密勿祇畏

案毛詩作匪勉畏去匪勉三家今文多作密勿

胡甯疹我以旱○毛詩釋文瘡疇詩作疹云重也

案爾雅釋言疹重也疹與疹音同義通疹猶文疹字

方社不稊○毛詩釋文莫本亦作稊

敬恭明祀○毛詩釋文明祀本或作明神

案今正義本作明神文選東京賦爰敬恭於明神李

善注引詩同惟卷二十四注引作明祀隸釋載西嶽

華山亭碑亦作明祀

穴哉冢宰 究哉冢宰○毛詩釋文疾本或作穴又作究

案說文火貧病也引詩敦敦在火今毛詩作在疾是  
疾火字通又究訓窮也與火義亦相近

靡人不調○毛詩箋周當作調

案眾經音義八九兩卷引詩並作調從鄭箋本也

瞻仰昊天○毛詩釋文印音仰本亦作仰下同

案詩經考文云古本作仰下並同

云如何痺○云如何惺○毛詩釋文里如字憂也本又作

痺爾雅作惺並同王云痺病也

案爾雅惺憂也毛傳以憂釋里是讀里爲惺之假借

有識其聲○說文言部識聲也从言歲聲詩曰有識其聲

案毛詩作有嘒其聲許君所引文與毛詩異據三家  
今文也

嶽高

惟嶽○毛詩釋文嶽字亦作嶽

嶽高惟嶽峻極于天惟嶽降神生甫及申○禮記孔子問  
是詩曰嵩高惟嶽峻極于天惟嶽降神生甫及申注云  
言周道將興五嶽爲之生賢輔佐仲山甫及申伯

案毛詩嵩作嶽峻作駿惟作維傳以甫爲甫侯卽昌  
侯也說興此異盧文弨曰今本禮記惟亦或作維

公羊傳定四年注詩曰嵩高惟嶽峻極于天

風俗通義土中央曰嵩高高者高也詩云嵩高惟嶽峻極于天

案藝文類聚七太平御覽三十九引詩文同

嵩高惟岳峻極于天惟岳降神○初學記五詩曰嵩高惟岳峻極于天惟岳降神生甫及申

案白帖五引詩嵩高維岳又引詩作嵩高維嶽又兩引峻極于天句又文選注五十九引亦作峻

後漢書禰衡傳孔融疏曰惟岳降神異人並出

永經注江水二詩曰惟岳降神

案文選注三十七引詩文同

爲周之翰○禮記孔子閒居詩曰惟甲及甫爲周之翰

案毛詩爲作維

唯周之翰○家語問玉篇詩曰惟甲及甫唯周之翰

四國于藩○詩經考文蕃古本作藩

王踐之事○毛詩釋文續韓詩作踐踐任也

王薦之事于邑于序南國爲式○潛夫論志氏姓篇詩曰

暨暨申伯王薦之事于邑于序南國爲式

案潛夫論三式篇引詩薦作續序作謝爲作是仍與

毛詩同疑後人依毛詩改之續踐薦皆以音近通假

禮記中庸踐其位鄭注云踐或爲續是古通之證薦

字訓仍與續字訓繼義亦相近序謝古亦通用儀禮  
鄉射禮今文序則鈎楹內鄭注讀如成周宣榭之榭  
廣韻亦云古者序榭同

以作爾墉○毛詩釋文庸本亦作墉

案毛傳庸城也鄭箋庸功也是毛以庸爲墉之假借  
有侏其城○毛詩釋文倣本又作侏

錫爾玠珪○爾雅釋器珪尺二寸謂之玠郭注詩曰錫爾  
玠珪

錫爾介珪○太平御覽八百二詩曰錫爾介珪

案御覽八百六引詩文同毛詩作介珪

徑近王舅○毛詩箋近辭也聲如彼記之子之記

案孔氏正義本近作近毛居止六經正義云近說文作迺从耳从辵今作近音記譌作近喬樞攷釋文云近音記是陸本當作近字今釋文近亦作近後人傳寫誤耳詳見鄭箋攷字說

申伯旋南○詩經考文古本還作旋

以時其糗○毛詩釋文時如字本又作時直紀反兩通

案正義本作時

既入于徐○楚詞注十三徐申伯所封也詩曰申伯番番  
既入于徐

案徐毛詩作謝說詳魯詩攷

柔此萬邦○毛詩釋文掇本亦作柔

蒸民

天生蒸民 民之秉夷○孟子告子上詩曰天生蒸民有

物有則民之秉夷好是懿德

潛夫論德化篇詩云民之秉夷好是懿德

案蒸毛詩作烝夷毛詩作烝白虎通姓名篇衆經音

義七引詩並作蒸民

天臨有周○詩經考文古本監作臨

案說文監臨下也監字从臨省故義並通

生中山甫○漢書古今人表作中山甫

案中毛詩作仲

故訓是式○列女傳二詩云故訓是式威儀是力

案中毛詩作古訓傳云古故也

出王命○毛詩釋文納亦作內音同

赫赫王命○後漢郎顛傳詩云赫赫王命仲山甫將之

案中赫赫毛詩作肅肅

既明且知○禮記中庸詩曰既明且知以保其身

案禮記釋文云且哲徐本作且知揚子方言哲知也

既明且黼○隸續丹陽太守郭緡碑既明且黼

案詁古文哲字見玉篇字亦作嘉又作詁竝同

夙夜匪懈○說苑立節篇詩云夙夜匪懈以事一人

案懈毛詩作解古文消借字也

惟仲山甫劄亦不吐柔亦不茹○漢書薛宣傳注師古曰  
大雅蒸人之時云惟仲山甫劄亦不吐柔亦不茹言其  
平正也

左氏文十年傳詩曰劄亦不吐柔亦不茹

案毛詩作柔亦不茹劄亦不吐考蔡中郎集司空房

植經云剛則不吐柔則不茹亦上下句互易與左傳  
引同師古漢書注云云蓋據舊注所引三家詩之文

也惟毛詩作維

不侮鰥寡○左氏昭元年傳詩曰不侮鰥寡不畏彊禦

案鰥毛詩作矜新序雜事四引詩亦作鰥與左傳同  
不畏彊圍○漢書王莽傳詩曰不侮鰥寡不畏彊圍

案圍毛詩作禦蔡邕集范史雲碑亦作不畏彊禦

不辟彊禦○國策秦策高誘注不辟彊禦不侮鰥寡

案辟毛詩作畏高註疑亦三家之異文

我義圖之○毛詩釋文義毛如字宜也鄭作儀儀匹也

案阮氏校勘記云釋文正義二本皆作義鄭以義爲  
儀之假借耳未嘗改爲儀也唐石經乃竟作儀字誤

唯仲山甫補之○左氏宣二年傳詩曰衮職有闕唯仲山

甫補之

案唯毛詩作維臧庸云白帖十二又卅九引俱作惟  
仲山甫補之○後漢書朱暉傳注詩曰衮職有闕仲山甫  
補之

案楊賜傳注引詩同俱無惟字

征夫僬僬○玉篇入部詩云征夫僬僬僬僬樂事也

案僬僬毛詩作捷捷僬僬古通說詳巷伯篇

四牡騤騤○說文馬部騤馬盛也次馬旁聲詩曰四牡騤

騤

四牡駢駢○說文馬部駢馬盛肥也从馬光聲詩曰四牡

駢駢

案毛詩作四牡彭彭許所傳詩據三家今文也段玉  
裁說文解字注云小雅北山四牡彭彭傳曰彭彭然  
不得息大雅蒸民四牡彭彭箋云彭彭行貌大明四  
駢彭彭箋云馬強疑皆非許所稱鄭風清人駢介旁  
旁蓋許稱此而駢介轉寫作四牡耳許所據旁作駢  
毛傳本有駢駢盛貌之語後逸之喬樞謂段說非也  
彭旁古音同在十部得相通假說文示部彙門內祭  
先祖所旁皇也从示彭聲詩曰祝祭于彙重文初云

繫或从方方與彭古音同部也可爲此詩彭騁古通  
之明證又二部云旁薄也从二闕方聲旁从方聲故  
今文尙書旁字古文尙書作方據繫字之或作初可  
知彭字之或作騁必爲三家今文無疑騁者正字彭  
者古文同音假借字也如段氏說既改說文馬盛也  
爲馬盛貌又改詩四牡爲駟介且增騁騁盛貌四字  
以爲毛傳本有此語轉寫者逸之未免勇於自信矣  
惟於騁下引詩四牡駢駢據陸德明釋文有駟說文  
作駢語謂陸所見說文作駢駢牡馬卽魯頌之駟駟  
牡馬也其說近是王氏詩攷以四牡駢駢亦爲四牡

彭彭之異文恐未必然徐鍇說文繫傳駝下有今詩  
作彭之語王氏蓋沿其誤耳

八鸞將將○毛詩釋文將將七羊反本亦作鏘同

案正義本作鏘鏘

仲山甫征齊○詩經考文古本徂作征

吉父作誦○文選注廿四詩曰吉父作誦張茂先答何劭詩

案毛詩作吉甫

穆若清風○白帖八十八詩曰穆若清風

案若毛詩作如

仲山父永懷○文選注廿三詩曰仲山父永懷阮嗣宗咏懷詩

案文選注廿九引詩甫亦作父

韓奕

維禹陬之○周禮稍人注句讀如維禹陬之之陬

案信南山亦有此句周禮釋文讀句爲繩證反與陬同音此詩釋文云句之毛徒遍反鄭繩證反繩證反卽陬之音讀知鄭箋亦讀句字爲陬也

有暉其道○毛詩釋文倬陟角反明貌韓詩作暉音義同案廣雅釋詁云暉明也義卽本韓詩說詳韓詩攷

纂我祖考○百帖五十纂我祖考

案毛詩作纘戎祖考傳云戎大也箋云戎女也臧庸

以白帖所引卽此詩之異文喬縱謂我字蓋戎之譌  
夙夜匪懈○詩經考文古本解作懈

虔恭爾位○毛詩箋古之恭字或作共

案毛傳云共執也正義以傳讀共爲拱釋文云共毛  
九勇反鄭音恭云古恭字鄭君蓋從三家今文也

以其介珪○太平御覽八百六詩曰以其介珪

案珪毛詩作圭

王賜韓侯○周禮屨人注詩曰王賜韓侯

案賜毛詩作錫

淑旂綏章○毛詩釋文綏本亦作綏

案綏說文訓爲系冠纓與綏義別古以音近通假

鈎膺鏤錫○說文金部錫馬頭飾也从金陽聲詩曰鈎膺  
鏤錫

案錫毛詩作錫錫卽錫之消文

柳軋淺箴○毛詩釋文軋亦作軋軋莖三同幟本又作箴  
案玉篇草部軋軋中靶也軋軋同集韻軋亦作軋軋  
顯甫餞之○毛詩釋文顯父本亦作甫

藝文類聚五詩曰顯甫餞之

其肴惟何○毛詩釋文肴本亦作箴

藝文類聚五詩曰其肴惟何

案正義本什殺

其鸞惟何惟葦及蒲○說文彌部鸞鼎實惟葦及蒲

案鸞毛詩作葦段氏說文解字注云此有葦當云鼎

實也詩云其鸞惟何惟葦及蒲葦作葦者三家詩也

其籛伊何○太平御覽九百七十六詩曰其籛伊何

維箏及蒲○毛詩釋文箏字或作箏

韓侯娶妻○毛詩釋文取本亦作娶

入鸞將將○毛詩釋文將本亦作鏘

姪娣從之○白虎通嫁娶篇詩曰姪娣從之邶邶如雲

案姪娣毛詩作諸娣三家今文與毛氏異

川澤濟濟○太平御覽三十七詩曰川澤濟濟

案許許毛詩作許許御覽所引採摭三家異文也

魴鱖詡詡○易林離之中孚魴鱖詡詡

案詡詡毛詩作甫甫詡甫並訓爲大是音近義同

麇鹿麇麇○毛詩釋文噴本亦作麇

普彼韓城○潛夫論志氏姓篇詩曰普彼韓城

案普毛詩作溥

其追其貉○毛詩釋文猶說文作貉云北方人也

案五經文字云貉經典相承作蠻貊

掩受北國○詩經考文古本奄作掩

案掩有撫義毛傳云奄撫也是讀奄爲掩字

寔塘寔寔寔臥寔籍○毛詩箋實當作寔趙魏之間實寔同聲寔是也

案釋文云實毛如字鄭作寔詳見鄭箋改字說

獻其狝皮○毛詩釋文貌本亦作狝音毗卽白狐也

案詩經考文古本作狝狝者貌之或體見說文豸部

江漢

江漢陶陶○風俗通山澤篇詩云江漢陶陶

案陶陶毛詩作浮浮說詳魯詩攷

匪安匪游○後漢書東夷傳注詩曰匪安匪游

案游毛詩作遊

淮夷來痛○爾雅釋詁痛病也

案毛傳鋪病也正義曰釋詁文彼鋪作痛音義同釋  
文曰鋪普吳反徐音孚孚者痛字之音徐從三家今  
文讀鋪爲痛卷耳詩我僕痲矣釋文痛本又作鋪同  
是痛爲正字鋪爲古文假借字也

武夫僨僨○爾雅釋訓僨僨武也

案爾雅釋文云洮洮舍人本作僨音同說詳魯詩攷

古文苑班固北征頌注詩云武夫僨僨音光武勇貌

案舞陽侯樊噲贊注引詩文同

武夫潢潢○鹽鐵論繇役篇詩云武夫潢潢經營四方

案潢潢毛詩作泐泐說詳齊詩攷

王命邵虎○文選注三十七詩曰王命邵虎曹子建求自試表

案邵毛詩作召

徹我土疆○後漢書東夷傳注詩曰徹我土疆

案土疆毛詩作疆土

來旬來宣○毛詩箋來勤也旬當作營

案釋文來毛如字鄭音資旬毛音巡鄭作營旬營古

書多相通假詳見鄭箋改字說

肇敏戎功○後漢書宋宏傳詩不云乎肇敏戎功

案周舉傳引詩文同功毛詩作公

𠄎一攸○毛詩釋文𠄎本又作攸

案𠄎古文作𠄎攸古文作𠄎形近音同故得通假周禮𠄎人廟用修鄭注修讀曰𠄎修字從攸亦得假借爲𠄎字

錫之山川土田附庸○毛詩釋文錫山土田本或作錫之山川土田附庸者是因魯頌之文妄加也

案毛傳云諸侯有大功德賜之名山土田附庸正義曰此經無附庸傳云附庸者以土田卽是附庸定本集注毛傳皆有附庸一字然則後人妄加經文爲錫

之山川土田附庸者蓋因傳有附庸二字而驛入耳  
令問不已。家語問王篇詩云明明天子令問不已

案問毛詩作問

弛其文德協此四國。禮記孔子閉居詩云弛其文德協  
此四國

案毛詩弛作矢協作洽說詳齊詩攷

春秋繁露竹林篇詩云弛其文德洽此四國

施其文德。禮記釋文弛皇作施又注弛施也皇本作施  
布也

案施弛矢皆一聲之轉毛傳云矢施也釋文云施如

字爾雅作弛式氏反

常武

赫赫明明。○毛詩釋文赫字又作焮

案焮字玉篇云火色也集韻云本作赫或作焮亦作

焮是二者字同

南中大祖。○漢書古今人表作南中

案中毛詩作仲

既倣既戒。○周禮夏官序官注詩曰既倣既戒

案倣毛詩作敬箋云敬之言警也警倣字同

徐方驛騷。○毛詩箋釋當作驛

案釋文云釋音亦鄭作驛音同調傳驛也坰詩以車  
釋釋釋文載崔本作驛驛是釋驛古通之證

而震而怒○毛詩釋文一本此兩如字皆作而

闕如哮虎○風俗通二詩美南仲闕如哮虎

案哮毛詩作虓說詳魯詩攷

噉如虓虎○文選注入毛詩曰噉如虓虎

揚子雲羽獵賦

案說文繫傳噉下錯曰詩曰進厥虎臣噉如哮虎近

此義也噉字攷玉篇同啖當作噉爲近噉玉篇云叫

噉怒也

敷敦淮瀆○毛詩釋文鋪韓詩作敷云大也

後漢書馮緄傳詩不云乎敷敦淮瀆仍執醜虜

案後漢書班固傳注云敦猶迫逼也詩曰敷敦淮瀆  
章懷所引是據韓詩之文與馮緄傳合

鋪屯淮瀆○毛詩箋敦當作屯

案釋文云敦王申毛如字厚也韓詩云迫也鄭作屯  
喬樅謂屯猶頓也敦亦頓也王以敦訓厚未得毛旨  
敦彼淮瀆○說文水部瀆水厓也从水賣聲詩曰敦彼淮  
瀆

案許君所傳詩作敦彼蓋亦三家之異文

仍執醜虜○毛詩釋文仍如字就也本或作仍

案仍扔音義並同

王師驛驪○漢書敘傳王師驛驪

案此卽王旅嘽嘽之異文說詳齊詩攷

民民翼翼○毛詩釋文緇如字靚也韓詩作民民同

案今外傳本仍同毛詩作緇緇誤當據釋文改正民緇以雙聲假借說詳韓詩攷

王猷允塞徐方其來○荀子議兵篇詩云王猷允塞徐方其來

案荀子君道篇亦引此詩二語其來仍作既來與毛詩同又新序雜事四漢書嚴助傳引詩猶皆作猷又

文選注五十六引詩同

韓詩外傳六詩曰王猷允塞徐方既來

徐方既徠○漢書景武昭宣元成功臣表詩云徐方既徠  
案徠毛詩作來

王曰旋歸○詩經考文古本選作旋

瞻印

瞻仰昊天○詩經考文古本作瞻仰

案釋文云印音仰鄭箋仰視幽王爲政正作仰字

蚌賊蚌疾○毛詩釋文蚌本又作蠶

女反脫之○潛夫論述赦篇詩刺彼宜有罪女反脫之

案後漢書王符傳引詩同反脫毛詩作覆說脫古  
今字之異釋文云說一音他活反

詰夫成城○毛詩釋文詰音哲本亦作哲

案詰者哲之古文正義本作哲

懿厥悲婦○漢書谷永傳詩云懿厥悲婦爲梟爲鴟

案悲毛詩作哲說詳魯詩攷

列女傳七詩曰懿厥悲婦

婦爲長舌惟厲之階○天戴禮本命注詩云婦爲長舌惟  
厲之階

案毛詩爲作有惟作維

匪降自天○漢書谷永傳詩云匪降自天生自婦人

案毛詩作亂匪降自天列女傳七引詩亦有亂字

時惟婦寺○列女傳七詩曰匪教匪誨時惟婦寺

案惟毛詩作維

籀人伎忒○說文人部伎與也从人支聲詩曰籀人伎忒

案毛詩籀作鞠伎作忒廣韻五寘伎傷害也詩云鞠

人伎忒亦與說文同作伎字

僭始竟背○毛詩釋文語本又作僭

伊胡爲媿○文選神女賦注韓詩曰媿悅也

案媿毛詩作慙箋云慙惡也與韓義異說詳韓詩攷

婦無功事○白帖入詩云婦無功事休其蠶織

案白帖入十二引詩仍作婦無公事與毛詩同又賦庸以白帖引作休其蠶織爲三家異文喬樞謂職字乃織之譌白帖入引作蠶織不誤

含爾介遯○集韻廿三錫遯說文云遯也詩曰含爾介遯案毛詩釋文狄毛他歷反遯也鄭如字謂夷狄許所引詩作遯知毛公以狄字爲遯之假借也

邦國殄頫○漢書王莽傳詩曰人之云亡邦國殄頫

案頫毛詩作瘁

甯自全矣○列女傳入詩曰心之憂矣甯自全矣

案全毛詩作今

無忝爾祖式救爾訛○列女傳三詩曰無忝爾祖式救爾

訛

案爾祖毛詩作皇祖爾訛毛詩作爾後列女傳所引據魯詩之文也

名經

我居御卒荒○韓詩外傳八詩曰我居御卒荒

案御毛詩作罔

浩浩汎汎○爾雅釋訓浩浩刺素食也

案爾雅釋文皐皐樊本作浩浩皐浩聲相近皐者毛

詩古文浩者三家今文也

草不榮茂○毛詩箋瀆茂之瀆當作榮榮茂貌

案班固幽通賦枝葉榮而靈茂卽本此詩與鄭箋攷  
讀合知鄭君是據三家今文也說詳齊詩攷

如彼棲柎○衆經音義廿五詩云如彼棲柎

案柎毛詩作直元應所引據韓詩之文說詳韓詩攷

維今之灾○毛詩釋文灾字或作灾

職況斯引○詩經考文古本見作況下同

不云自瀆○列女傳八詩云池之竭矣不云自瀆

案瀆毛詩作頻

昔者先王受命有如召公之臣○毛詩關雎正義詩六字者昔者先王受命有如召公之臣之類也

案今毛詩無者字無之臣二字正義所云或據集注採摭三家異文也

有如邵公○後漢書西域傳注詩曰有如邵公